

絳

帖

平





絳

帖

平

姜  
夔  
撰



中  
華  
書  
局

此據聚珍版叢書  
本排印初編各叢  
書僅有此本

絳帖平

## 原序

小學既廢。流爲法書。法書又廢。唯存法帖。法帖乃古人陳迹耳。況數經摹刻。已失筆意。然苟能習之。亦勝面牆。法帖始自貞觀。褚遂良所校館本十七帖是也。我太宗皇帝。造淳化閣帖十卷。自後有所謂劉丞相沈潭潘尚書師旦絳臨江劉次莊宗氏將字世章汝刻續帖大觀之類。不可勝計。要皆本諸淳化帖。淳化帖今難得。而諸家舊帖亦不易致。絳帖傳至今者。復有三四本。潘師旦所刻爲勝。絳公庫本次之。厥後漫滅。屢經補治。甚至字畫乖謬。嘗以相校。乃知其有三四本也。嘉泰辛酉。予入越。友人朱子大以絳帖遺予。歸而玩之。因爲之本事釋文。名曰絳帖平。按淳化帖王著所集。其間固已真僞混淆。名代爽失。潘氏不悟。又從而刻之。如劉次莊王輔道劉無言諸人。皆登刊帖。亦不知其非也。世有劉氏釋文二卷。山谷跋法帖一卷。跋絳帖一卷。評潭帖一卷。秦少游官帖通解六篇。米元章官帖跋一卷。黃長睿刊誤十篇。陳去非校定釋文一卷。俞子才潭帖釋文一卷。祕閣有法帖字證二卷。北方有絳帖字鑑二卷。近日榮苴有絳帖釋文一卷。并說一卷。曾氏釋文一卷。諸家惟黃長睿鑒賞最精。然恨太略。予因絳帖條疏而增備之。使覽者識其真僞。通其義理。然後究其點畫。不爲無益於翰墨矣。若王著以率更爲何氏。東坡以鐵石爲梁人。米老以王恂爲張旭。以晉帖爲羊欣。劉氏以臨海爲諸誨。以修齡爲修鄙。諸如此類。不可悉數。皆辨正之。蓋帖雖小技。而上下千載。關涉史傳爲多。惟慚淺陋。考訂未詳。故著其所解。闕其所不解。以俟博識之君子。

絳帖平 原序

嘉泰癸亥五月九日、番陽姜夔堯章序。



# 絳帖平六卷

## 提要

臣等謹案絳帖平。宋姜夔撰。夔字堯章。鄱陽人。攷曹士冕法帖譜系云。絳本舊帖。尙書郎潘師旦。以官帖私自摹刻者。世稱潘駙馬帖。又稱潘氏析居法帖。石分而爲二。其後絳州公庫。乃得其一。于是補刻餘帖。是名東庫本。逐卷各分字號。以日月光天德山河壯帝居太平無以報願上登封書爲別。今夔所論每卷字號。與士冕所說相合。然則夔所得者。卽東庫本也。宋之論法帖者。米芾黃長睿。以下互有疎密。夔欲折衷其論。故取漢官廷尉平之義。以名其書。首有嘉泰癸亥自序云。帖雖小技。而上下千載。關涉史傳爲多。觀是書攷據精博。可謂不負其言。惟第五卷內論智果書梁武帝評書語。武帝藏鍾張二王書。嘗使虞龢陶隱居訂正。案虞龢宋人。其上法書表。在宋孝武帝之世。去梁武帝甚遠。斯則攷論之偶疎耳。據墨莊漫錄。其書本二十卷。舊止抄本相傳。未及雕刻。所載字號。止于山字。其河字以下亡佚十四卷。竟不可復得。然殘珪斷壁。終可寶也。乾隆四十七年二月恭校上。

總纂官內閣學士臣紀昀

光祿寺卿臣陸錫熊

纂修官翰林院侍講臣平恕





# 絳帖平總錄

敘時

上古

蒼頡

黃帝史撰  
鳥迹書

三代

夏禹

仲尼

秦

李斯

丞相上蔡  
人撰小篆

後漢

張芝

字伯英弘農  
人號曰草聖

絳帖平  
總錄



程邈

獄吏下杜  
人撰隸書

崔子玉

名瑗善  
草篆

宋姜夔撰

蔡琰 中郎邕之女

魏

鍾繇 字元常，潁川人。太傅。書苑云：真書絕世，剛柔備焉。點畫之間，多有異趣，可謂幽深無際。古雅有餘。秦漢以來一人而已。

吳

皇象 字休明，青州刺史。善章草，八分。沈著痛快。

四晉

武帝 炎，字安世。

衛瓘 字伯玉，錄尚書事。

山濤 字巨源，河內懷人。司徒。書苑云：善正書。

索靖 字幼安，涇陽人。張芝師之。孫征西司馬。草書絕代。



張華 字茂先，司空。

衛恒 字巨山，書苑云：善正書，入能品。

陸雲 字士龍，吳郡人。

東晉

元帝 睿

卞壺 字望之，濟陰人，侍中，驃騎大將軍，善草書。

王導 字茂弘，琅邪人，丞相。

王廙 字世將，羲之叔，平南將軍，荊州刺史，侍中，善正書，謹錄法祖述張衡。

王恬 字敬豫，導子，後將軍，會稽內史，草隸當時無與爲比。

王羲之 字逸少，導從子，右軍將軍，會稽內史，亦稱大王。

王徽之 字子猷，黃門侍郎，墨戲云：行草隸入中上品。

王渙之

王珣 字元琳，洽子。

絳帖平 總錄

簡文帝 昱

劉超 字世瞻，琅邪人，官至衛尉。

王敦 字處仲，琅邪大司馬。

王邃

王洽 字敬和，恬弟，中書令，領軍將軍，衆書皆善。

王凝之 亦王草隸，江州刺史，左將軍，會稽內史，自凝至獻皆羲之子。

王操之

王獻之 字子敬，中書令，世稱大令。

王珣 字季琰，珣弟，中書令，善正行，自導至珣三世工書。

王獻 字伯輿，導孫，蒼子。

王坦之 述子，太原人，丞相。

王劭 字敬倫，建威將軍，吳國內史，驎子。

庾翼 字稚恭，車騎將軍，荊州刺史，善草隸，少與右軍齊名。

郗愔 字方回，鑒子，司空，學書於衛氏，尤長章草。

桓溫 字元子，譙國人，丞相，大司馬。

謝萬 字萬石，安弟。

沈嘉 字長茂，吳郡人，吳興太守。

紀瞻 字思遠，丹陽秣陵人，好讀書，手自抄寫，驃騎將軍常侍。

王濛 字仲祖，晉陽人，司徒左長史，工草隸，章草俱入能品。

王循

庾亮 字元規，太尉，征西將軍。

郗鑒 字道徽，草書尤絕古而復勁。

郗超 字嘉賓，愔子。

謝安 字安石，太傅，正書入妙品。

張翼 字君祖，下邳人，東海太守，尤善草隸。

劉瓌 字元寶，沛國人，御史丞，義誠伯。

馬攸

謝發

宋

明帝或

王曇首琅邪人太  
子詹事

謝瑤伯

羊諮

孔琳之字彥林山陽人墨戲云放縱快健  
筆墨流利二王之後難其比肩

薄紹之字敬叔丹陽人書苑云善正  
書入妙品與羊欣並師小王

齊

高帝道成

梁

絳帖平 總錄

衛夫人名鑠字茂漪尤善鍾法正書入妙  
品如碎玉壺之冰爛瑤臺之月

劉穆之字道和東莞昌  
人侍中司徒

羊欣字敬元泰山南城人史  
云尤長隸書中散大夫

謝莊字希逸  
中書令

司馬攸

蕭思話南蘭陵人鄧州刺史加都督受學  
羊欣得行書之法史云頗工隸書

王僧虔均孫弱冠工書祖述小王  
尤尙古直尙書令簡穆公

五

武帝衍

蕭確字仲正，邵陵王綸之子，有書名。

王筠僧虔之孫，尚書。

陳

永陽王伯智，書苑云，善行書。

隋

僧智果書苑云，工書銘石，煬帝甚善之，行書入能品。

唐

太宗世民，書苑云，工草隸。

歐陽詢字信本，長沙人，太子率更令，名書贊云，格氣俊逸，如孤峯之崛起萬仞，而四面削成。

沈約字休文，吳興武康人，特進光祿大夫。

阮研字文幾，陳留人，師逸少，正書入能品。

陳達

高宗治

虞世南字伯施，上虞人，祕書監，名書贊云，用意沈靜，如登太華，百盤九折，委曲而入杳冥。

褚遂良

亮子。右僕射。名書贊云。如皇王奉道。娛樂自安。國史異纂云。少則服膺虞監。長而師祖右軍。正書。甚得其媚趣。

褚庭誨

時人謂之小褚。

陸柬之

李嗣真云。柬之學虞。名書贊云。酷隋奇變。如天籟。偃蓋之松。節節奇勁。

薛稷

河東人。太子少保。師褚遂良。正行入能品。

李邕

善子。陳州刺史。善行書。時稱李北海。

張旭

吳郡人。時號張長史。書苑云。以草書得名。亦甚能小楷。蓋虞褚之流。

懷素

字藏真。長沙僧。

宋儋

字藏諸。開元中人。名書贊云。如幽澗餘花。空庭驟雨。悉心鐘衛。兼善歐陽。

顏真卿

字清臣。琅邪臨沂人。太子太師。善正行書。周越云。真卿正書。結筆遒秀。而尤尙字學。可謂書之大雅矣。陸羽嘗論其得羲之筋骨心肺也。

柳公權

字誠懸。善正行書。初學王書。徧閱近代筆法。體勢勁媚。自成一派。

徐嶠之

洛州刺史。名書贊云。楷行草三者備敵。

僧高閑

善草書。

## 五代

錢俶

吳越國王  
書入神品

皇朝

太宗皇帝

李建中

學王書號  
李西臺

以上古人帖中所題或時代差誤。或官稱爽失。或名字乖落。今以正史及雜書校之。皆得其正。其不可考者。姑因帖之舊文。並以諸書所稱其人能書之實。各條於下。然古之能書者衆矣。帖中十未得一。他皆罕傳。而所傳者又半是僞迹。可歎也。

人名

日

仲尼書

有吳君子

吳季子

史籀書

敬州舊易

唐人



古法帖

散騎二君

見山字卷

玄日具問

晉吳興太守張玄之會稽內史謝玄同時人

長史斷閣

晉司徒左長史王濛司徒左長史王廙大司馬長史王禎之

衛夫人

規模鍾繇

已見

懷素

真書過鍾繇

已見

草不憾張

張芝已見

月

張芝

祖希時面

晉張玄之字祖希嘗爲冠軍將軍

冠軍整暢釋

不見奴

王右軍家兒小名見右軍帖如所謂官奴與奴小奴者

侍郎

郗愔或是范武子皆王氏姻並爲中書侍郎

鄱陽

王廣嘗爲鄱陽太守故二王帖多稱鄱陽或云鄱陽歸鄉或云鄱陽一門或云鄱陽戔使

絳帖平

總錄

絳帖平 總錄

鍾繇

文若 魏荀彧。字文若。

松等隕慟 松見王右軍帖。

中郎 郗曇。

光

庾亮

媿子 媿母也。當是小兒名。

沈嘉

沈嘉長 沈嘉字長茂。帖云沈嘉長誤矣。嘉善草書。

索靖

及計來東 計上計使。日部古帖云。計至故應必有秀亦同。

奉事先帝 謂魏武。

郗還未 王獻之婦。

范母子 范王氏甥。范武子也。後云范新婦破羌。帖云范生皆此人。以上四條皆右軍時人誤作鍾帖。

王坦之

已與謝郎當是謝安

詣公自陳當是王彪之，或會稽王道子

王渙之

倫王氏女，右軍云：倫等還，殊慰意。子敬云：常欣倫早成家，豈謂奄失此女？下云：倫奴同。

直王氏女，子敬云：此來得直疏。又第六卷小國帖云：得華直疏。

姑如復小勝右軍妹嫁曹氏，渙之姑也。右軍帖曹妹可耳。

王操之

得識婢書婢，王家兒女小名。右軍云：小婢比小下。子敬云：靜婢自常不和。又云：婢日夕疏意慰。又云：婢腹痛。

不得姜順消息姜順，王氏女。大令帖所謂華姜者也。右軍云：告姜道等平安。子敬云：秀順至慰意，知姜順是兩人。

王凝之

郗中書楷

庾氏女王家女適庾氏者，猶淵明言程氏妹也。

陸雲

絳帖平 總錄

絳帖平 總錄

征南

晉杜預爲  
征南將軍

謝發

當是晉末  
宋初人

晉安

因所守郡而名  
陶詩有殷晉安

天

智果

殷均

梁人庾元威云。均正書宜以殷均范圍約  
爲主。出法書苑。均姓名見梁南平傳。

曹喜

後自有扶風曹喜。依  
法書要錄。當是袁崧。

桓玄

晉人溫之子。字敬道。景慕小王。善於草法。自蜀丞相僧號  
曰楚。法書苑云。溫書如快馬入陣。隨人屈曲。與此不同。

范懷約

梁人阮研殷范並  
見述書賦目錄。

邯鄲淳

後漢人。字子淑。精  
古文大篆正書。

陶隱居

名弘景。字通明。梁  
秣陵人。師鍾王。

蔡邕

後漢陳留人。字伯喈。善  
小篆。八分。飛白。正書。

扶風曹喜

後漢人。字仲則。篆若  
雍。莫邯鄲淳師之。

師宜官

南陽人。八  
分入妙。

梁鵠 魏人字孟皇安定烏氏人受法於師宜官

隋朝帖

皇帝敬問 文帝

宋儋

左攜鄭君 或是鄭良

德

王洽

亡兄 王悅字長豫丞相導之子早亡洽其弟也

郗愔

知弟漸佳 愔弟曇

郗超

段龕 見晉紀永和七年

絳帖平 總錄

鍾司徒 會魏人繇之子

敬豫 王導之子恬字

王江州 王允之後江州隸庾翼亡後龕以青州來降詳見本條

絳帖平 總錄

謝萬

朗等

萬之子。謝安帖云。告淵朗廓攸靖。

山

王羲之

此部所稱皆同時。

袁生

即袁宏。

子嵩

庚子蓋。

穆松

未詳。又一帖誤在鍾繇部云。松等限勸。似是王氏甥。又無字卷穆松雖爲情地。又法書要錄第十卷。右軍帖語得松旨問馳白。又按史。右軍從子穆爲臨海太守。丞相導孫。勸之長子。

張平不立

平。并州刺史。

修載

王書之子。

慶等

王家兒子。名子敬。割至帖云。慶等。又云。慶等已至也。右軍發吳興帖云。慶等別不可言。又山字卷。慶等近消息。

二謝

謝安。謝萬。河字卷謝二侯同。

熙

郝疊。字重熙。後亡。熙或云重熙。并同。

荀侯

荀爽。下同。

散騎

王敬豫。官止散騎常侍。子敬帖云。散騎殊常喜也。亦同。

河

永嘉 謝邕傳父鐵爲永嘉太守二謝之弟

王羲之

桓公 大司馬桓溫

蔡公 謨

仁祖 謝尙字

謝光祿

參軍 王協敬祖嘗爲撫軍參軍王珣嘗爲大司馬參軍又法書要錄右軍帖語云羊參軍尋至當是羊模蘭亭詩有行將軍羊模詳見本條

長素 又法書要錄云長素轉往

許君 許詢字玄度

范生 范甯字武子汪之子

謝生 謝萬

謝司馬 謝安嘗爲桓溫司馬

阮生 阮裕字思曠

敬和 王洽字

謝二侯

絳帖平 總錄

絳帖平 總錄

丹陽 王胡之書爲  
丹陽太守

太常 王  
策

僕射 王劭字敬倫丞相導之子  
敬帖僕射表解臺職亦同

司州 王脩齡字  
胡之下同

向亦得方書 謝  
萬

叔虎 王彪  
之

期 王氏子又李偉家藏有期小女帖世說王承字安期阮裕所謂王氏  
三少者也據史承是太原族非琅邪族裕所稱期非承乃此期耳

壯

王獻之

阮新婦 思曠家女  
王氏婦

衛軍 王敬文王珣  
亦贊爲之

冠軍 見張  
芝條

婢日夕疏 解見王  
操之條

育故羸

倪比健 二人皆王家  
兒名後有

姊 郗氏女  
獻之婦

天寶 王氏  
小名



倫 子敬兄弟之女。解見渙之條。

姜

帝

王獻之

領軍 王郗。或是王洽。

承修東轉 修。載王書之子。

敬祖 王協。丞相導之子。

興公 孫綽。

秀順 順已解在操之條。秀亦王氏兒女。大令帖云。秀已還也。

居

王獻之

絳帖平 總錄

華 右軍范。新婦帖有華等之語。華姜自是二人。姜解在操之條。

直 解見渙之條。

丹陽 王胡之。

鄱陽 已見。

玄度 許詢字同。時伏滔亦字玄度。然非右軍語。

黃門 王恂琳謚皆嘗爲之。徽之亦爲此官。然卒在子敬後。不得言黃門殞育也。

絳帖平 總錄

桓江州

桓沖桓氏雲石秀石生玄皆嘗爲江州然而不合

鵝

王氏小兒名大令帖云鵝還慰姊意又云鵝差否

東陽諸妹

鐵石

謝鐵安石萬石之弟辨在木條

太

太宗皇帝

張祐

晚唐詩人

平

晉元帝

司馬睿

元帝姓名

宋明帝

休祐休範

宋文帝二子休祐史作休祐

梁武帝

殘報

明帝名賤

二謝

此是雙帖。或是臨大王帖。蓋二謝非梁人。

唐太宗

江叔

高宗之叔。江王。

娘子

長孫皇后。

太子無事

謂高宗。

無

王羲之

永興

王右軍從妹胡毋氏所居。見十七帖。

得大等書

王忱字佛大。

中郎

已見鍾繇部。

以

絳帖平總錄

奴

高宗小名。

耶耶

太宗自稱。

五代忠懿王

錢俶諡。

侍中

徐邀。

太宰

武陵王暕。

絳帖平 總錄

王羲之

曹妹 右軍妹。適曹氏者。

官奴婦 郗氏女。

先師 王氏奉五斗米道之師。

先生 許邁見真諦。

報

王羲之

周常侍 撫。

賓 蔡氏子名。亦見法書要錄十卷。

方回 都督字。

官奴 子敬小名。

東陽 王劭敬倫爲東陽太守。

阮公 思曠。

殷生 浩字深源。

臨海 都督嘗爲郡太守。

卞公 卞駙馬。見祕閣續帖。又蘭亭詩有鎮國大將軍卞迪。當是此人。

都督 謝尚。

宰相簡文

願

王羲之

姜道等已見

壽故不平復大令云貞壽不成病

上

王獻之

掾王璠

鵝還已見

李參軍充衛夫人子

登

絳帖平  
總錄

謝范新婦已見鍾部

素右軍云長素差不

貞壽王氏女

劉家疾患獻之妹嫁餘杭劉氏右軍女也見乞假表虞蘇云謝靈運母劉子敬之甥以此可證

絳帖平 總錄

薄紹之

江參軍

夷興羊薄同時爲宋武帝鎮軍行參軍

薛八侍中

此帖實見黃氏刊誤

封

張旭

藏真

懷素字。潘不曉以爲張旭書

書【案】此下原本缺

辨僞

日

蒼頡

仲尼

李斯

古法帖

是王子敬等書

夏禹

史籀

程邈

六家皆僞

衛夫人

僞

何氏 是歐陽詢書

月

張芝 前四帖是唐人臨晉帖

鍾繇 前一帖是王右軍臨後一帖非鍾乃右軍帖

張華 偽

光

庾翼 後一帖偽

杜預 後一帖偽

劉超

劉程之

張翼

絳帖平 總錄

崔子玉 偽

皇象 後一帖偽

沈嘉 偽

王循

劉瓌

紀瞻

陸雲

絳帖平 總錄

山濤 八帖  
皆僞

天

卞壺

羊欣 三帖  
皆僞

德

王廙 第一  
帖僞

山

王羲之

行成

闊別稍久

知遠

僕近修小園子 半是僞  
半是子敬

王懷之 非

謝法

謝安 僞

兄靈樞

承足下還來

荀侯 六帖  
僞



河

王羲之

足下時事少

前從洛

三帖  
偽

云足下尙停

亦  
偽

壯

王獻之

節過歲終

帝

王獻之

復面悲積

偽

玄度時來往

非

益部

二帖皆  
歐陽詢

絳帖平  
總錄

吾怪足下

十月七日羲之報

是集  
字

期已至

語是  
書非

思戀無往

帖並差  
非偽

鵝羣

偽

薄冷

前者先以

非

鋒帖平 總錄

鬱鬱澗底松 偽

黃門

居

王獻之

吾嘗以後九帖

多是右軍語，唯一帖有獻之字，然書非三王矣。

太

王獻之

七月二日獻之白

臨失

服油 並偽

平

晉武帝 偽

齊高帝

仲宗

令外甥 三帖皆右軍

極熱

晉元帝 前後偽

梁武帝 並偽

唐太宗

勅十一日

五代忠懿王

偽

無

王羲之

今遣鄉里人

適得書

差涼

五帖  
偽

以

王羲之

勿殺生

報

王羲之

粹帖平

純錄

不識夜來

二帖是  
高宗書

疾不退

知欲東

近日東陽

二帖  
皆非

絳帖平 總錄

宰相安和

噉豆鼠 二帖  
皆非

願

王羲之

告姜道等

諸女無復

得奈如告

間者一兩

當近道

想彼悉佳 六帖皆  
子敬書

上

阮研

蕭確 二帖  
爲

衛恒 後一  
帖非

登

虞世南

大運不測 爲

薛稷

褚遂良  
皆

封

張旭  
大字是懷素

書

王廙  
僞

凡言非者是他人非此人書僞者乃後人所作。

九品書人

上上品

夏禹作形象篆

史籀大篆

文宣王大篆十字  
已辨其非姑列于此

李斯小篆

崔子玉篆隸草書

張芝草書

鍾繇正書散隸

皇象八分

王羲之行草飛白

張旭大小草書

絳帖平 總錄

上中品

索靖草行

衛夫人正行

上下品

庾翼行草

桓溫行草

羊欣草隸

中上品

王凝之行草隸

蕭思話行草

陸柬之行草

虞世南正草

中中品

郝超行草

中下品

衛瓘隸行

王獻之行草飛白

謝安行草

梁武帝篆正行

王徽之行草隸

歐陽詢正及行

褚遂良行草隸

阮研正及行

郝愔行隸

下中品

山濤行隸

薛稷行草

右出墨藪。今但錄帖中有其名者。列于此。使攬者知之。餘尙多不錄。若帖中所有而書品所無者。不敢復以己意定其高下也。





# 絳帖平卷一

宋 姜夔 撰

日

蒼頡書  
二十八字

述異記云。頡葬北海。呼爲藏書臺。周時得其書莫識。遂藏之書府。至秦李斯識八字云。上天作命。皇辟迭王。漢叔孫通識十二字。杜子美云。蒼頡鳥迹既茫昧。字體變化如浮雲。則頡之書亡久矣。周宣王時。史籀變古文爲大篆。李斯又減籀體爲小篆。作蒼頡篇。謂之秦篆。斯所作篇首有蒼頡二字。因以名篇。非能傳頡書迹也。頡之文字。一變于籀。再變于斯而絕矣。此字疑是梵書。前代譯經。中國梵書無數。皆漆書貝多葉。與此同。

夏禹書  
十二字

子坐行齊春 尙

禹時用科斗書。韓退之詩云。峒嶺山尖神禹碑。字青石赤形模奇。科斗拳身薤葉披。鸞飄鳳泊拏虎螭。事嚴迹祕鬼莫窺。道人獨上偶見之。山海經云。衡山一名峒嶺。禹巡衡山。夢得金簡玉字之書。遂得治水之要。今勝業寺猶有禹桓碑。當是此時刻也。南嶽總勝集云。有人嘗至峒嶺峰下。見蛟龍踞石上。光采絢爛。意必禹書之神靈。此類小篆可見其妄。與蒼頡書皆一手僞作也。

魯司寇仲尼書十二字

□□□有吳君子之

世傳仲尼表季札墓云。嗚呼有吳延陵君子之墓。案唐張從申跋云。玄宗嘗命殷仲容摹搨。大歷中。潤州刺史蕭定。作季子廟。重刻此碑。傳至今。予按魯昭公二十七年。闔閭殺吳王僚自立。季子聘還。復命于墓。哀公十年。嘗將兵救陳。後不知其所終。皇覽曰。季子家在毗陵縣暨陽鄉。至今吏民皆祠之。歐公云。考仲尼歷聘。不聞至吳。又其字特大。非古也。墓闕題字。唯東漢有之。皆作分書。若劉文饒王稚子闕之類。又水經載。朝歌縣牧野比干冢。前有石銘。隸云。殷大夫比干之墓。今已中折。不知誰所識。亦當是東都耳。洪氏隸續云。西都彝器。皆是篆書。又按西都墓輒亦多是篆書。某人之墓。以此詳之。季子墓題。必是西漢時。吳人所刻。懷季子之賢。故曰嗚呼。蓋魯壁藏書。文皆科斗。商周彝器。並用刀書。此是筆書。又雜小篆。決非仲尼所爲。後世好事者。傳會耳。予考篆文。爵乃君字。或曰季子。非也。漢神寶鑑銘。君字正如此。以此知其爲漢篆也。舊碑只十字。皆大尺餘。此字小。惟有吳君子之五字同。餘更大異。復多二字。尤見其妄。秦少游云。季子墓銘。其真者猶疑非仲尼書。況依倣爲之者。

史籀書

歙州鬻易惡系

衛恒云。周宣王時。史籀始著大篆十五篇。或與古同。或與古異。世謂之籀書。韓文公以石鼓文爲籀所作。

不知何據。夾漈鄧樵云：籀與古文用刀書，故字畫首尾皆銳。秦篆則漆書，故字畫首尾皆剝。石鼓之文，其端皆剝，以此知其爲秦篆，非籀也。然樵之說，亦未爲盡。是詛楚文，秦篆也，而用刀書。汲冢書，古文也，而用漆書。先秦鐘鼎固有剝者矣。秦漢兼用刀筆，故有銳者矣。辨石鼓之非籀，不在是也。古文轉折圓爲圭角，秦因之。予按書有八體，秦漢所常用者篆隸耳。夫隸者篆之捷也，先漢士大夫賤之，不以書金石。桓靈之際，始書金石矣。楷者隸之捷也，始於上谷王次仲。至魏晉方盛，然亦不以書金石也。章草者楷之捷也，始于杜伯度。章帝愛之，因以爲名。此赴急之書也。予謂古文生籀，籀生小篆，小篆生隸，隸生楷，楷生草。每降愈捷。爾庾肩吾云：隸書今之正書也。是知隸與楷本一種，而有波磔者爲隸，無波磔者爲楷。然古人總謂之隸。後有行草，因以正名之。故書家不謂之眞草，而謂之草隸，不謂之眞書，而謂之隸書。史稱王羲之尤善隸書是也。洪文惠兄弟以漢人所書爲隸，魏晉以後爲八分。此說非也。杜詩云：大小二篆生八分。張懷瓘云：八分者王次仲所造。既言次仲作楷，又言造八分，則知曰隸曰分曰楷曰正，其實一耳。自漢以後，楷既自成一家，南北分裂，隸又分爲二體。北方一體，則魏受禪碑是也。南方一體，則吳天發神識碑是也。蓋魏人專法中郎，方勁可愛。吳人雜用篆法，奇古無倫。爾後北人多用魏體，南人多用吳體，皆有碑可證。東晉之末，字轉折方，歷代承之。故漢以後篆皆方，至唐李陽冰乃以鐘鼎筆法書小篆，故自成一家也。今石鼓字方，與詛楚同，是爲秦書明矣，非籀也。況此七字乃唐人小篆耶。

秦丞相李斯書

出疇耕耨爲政。朞月而致法令。使父子爲鄒魯。

米元章云。不知何人書。黃長睿云。乃李陽冰篆。明州刺史裴公紀德碣中字。此摹十八字爲斯書。無銖黍差。斯書傳至今者。有太山刻及秦權衡斤量銘乃弃。案此下原書闕

秦程邈書

天得一以清。地得一以寧。神得一以靈。谷得一以盈。萬物得一以生。侯王得一以爲天下正。其致之天無以清將恐歟。

今人稱隸書爲隸古。非也。書序所謂隸古者。書有古文。今文之別。隸爲今文。古爲古文。漢靈帝時。劉陶刪定古今文。尙書是也。隸書始於程邈。衛恒云。秦旣用篆。奏事繁多。篆字難成。卽令隸人佐書曰隸字。漢道術盛行。符籙所用。皆作吳體。至唐則總爲一耳。國初以來。多作唐體。自歐趙著錄漢刻。士大夫始重漢而貶唐。唐體誠拘。然漢刻亦有工拙。不能皆佳也。此帖雖無波磔。謂之隸書。亦何不可。若以爲邈書。則非。黃云。自蒼頡至程邈。皆僞。

又按周越法書苑。丘光庭云。左傳。亥有二首六身。如布竿之狀。古文亥作𠂔。依此語。則春秋時已有隸書矣。酈善長水經注云。臨淄人發古冢。得銅棺。前和隱起爲隸字。云齊太公六代孫胡公之棺。唯三字是古。餘同今書。證知隸字出古。非始于秦。而邈推廣之耳。

古法帖

知賢弟至舍。晚寒想顧之傷歎。遂爾永惟痛。壽春富陽范道長。體氣以小勝。前日得此暑。大都尋常。新婦書寄物示諸人。散騎二君何時還。兄子皆佳。能數爲也。

此帖乃王大令書。筆勢可見。所稱散騎王敬豫也。大令帖云。阮新婦勉身得雄。散騎殊常喜也。詳見山字卷。

孤不度德量力。欲俟義於天下。而措術淺短。遂至昌蹶。然至於今日。志猶不息。君謂計將安出。

亮曰。董卓已來。豪傑並起。跨州連郡。不可勝數。曹操比於袁紹。則名微而衆寡。故能克紹。以弱爲強。今日擁百萬之衆。挾天子而令諸侯。誠能不可與爭鋒也。

古蜀昭烈與諸葛亮問答。其半在居字。卷大令書中。米云。亮書固非。山谷以爲兼張芝索靖之美。黃云。此逸少書似豹奴帖。予按二帖雖章草。未爲精密。又數經臨摹。大小不等。且妄增損史文。殊無義理。與豹奴帖皆非逸少筆法矣。逸少學皇象章草。當不止此。

既移屋近西牆。微援裏地成大。寬援裏起小三架如步廊。政可一丈梁。得使二家通出入。作門閣也。此屋之東。故應作牆。直步廊一壁太單。空園中彌宜移三間屋。故當不甚難。重複粗畫圖如別耳。

足下既卽意適閑曠。亦當忘暑耶。遊囑疎數至。對告卿少。吾今年病垂耳。始小差。大小今度病懣。忽移日耳。每每深望遠言。慰尙賒慨然。玄日具問。可與音介。勿勿書。後既卽直。人理略絕。何緣復有周旋理。長史斷闊。亦不憾卿。惟公事時相瞻望耳。吾面促遂至今不著。不可解。計至故應必有秀。但不知好惡云何耳。

須得。

此二帖米云羊中散書。後有欣白字。黃亦以爲中散書。非也。此晉帖耳。所稱玄。謂吳興太守張玄之。或會稽內史謝玄。所稱長史。謂司徒左長史王濛。或是大司馬長史王禎之。或是司馬左長史王獻。皆晉人也。以此推之。乃王徽之輩書耳。欣晚出。非欣書也。援與園同。見皇象急就章。諸家釋心暑爲惡暑忌暑。皆非。以上文尋之。乃忘字耳。張芝帖中講忘不忘。上亡字亦如此。下心字作三點。劉次莊又釋作竟。可怪。釋有秀作有香。亦誤。謂秀才隨上計吏至也。東晉諸州舉秀才一人。既不講習。遂坐所舉。故至者多稱疾而去。帖中好惡云何。似爲此。憾古減字。懷素云。草不憾張亦同。劉釋作憾。尤非。

黃云。王世將帖後兩表極古。信能傳鍾氏筆意。而右軍學之也。表中云頓乏勿勿。案顏氏家訓云。世中書翰。多稱勿勿。相承如此。莫原其由。或有妄言此忽忽之殘缺耳。說文。勿者州里所建之旗。蓋以趨民事。故忿遽者稱勿勿。僕謂顏氏以說文證此字爲長。而今世流俗。又忘于勿字中斜益一點。讀爲忽忽字。彌失真矣。按祭義云。勿勿諸其欲其饗之也。注。勿勿。猶勉勉也。懃愛之貌。杜牧之詩。浮生長勿勿。是知勿勿出於祭義。古人詩中用之。不特稱于書翰。

何氏書

投老殘年。西崦已逼。恆慮儻忽歸骸玄壤。溘爾冥滅。竟不一言。以此在懷。預爲其備。於茲路唯有憑心。他餘不能有益。年將八十。可以意求。欲望長存。何可得也。道大難。俗情見善從善如登。見惡行惡如崩。必須

策怠惰。勤精進。愛日惜力。乃可獲耳。吞聲飲氣。不勞頓爾。他便生異議。速自詳荅取竟。勿滯留也。十六日。去留深情。故當所爾。餘散輩停歲積。故切思歸。三月下旬還非賒。冀敍不遙。南路行乃寂絕傷心。黃云。何氏書。若曰如何人耳。或以爲姓。非也。米云。是歐陽率更令書。按法書苑。率更名詢。長沙汨羅人。唐貞觀十五年卒。年八十五。此帖有年將八十之語。詢書明矣。詢墨迹今世尙多。筆勢皆如此。

### 蔡琰書

我生之初尙無爲。我生之後漢祚衰。

此兩句琰所作胡笳曲辭。琰中郎之女。因董卓之亂。爲胡所掠。在胡中生二子。曹公贖琰歸。至洛陽。見胡雖至。念其子作胡笳十八拍。琴家傳之。祚字劉釋作祀。此易曉。右旁先點後乙爲祀。先乙後點爲祚。山谷云。琰自書十八章。極可觀。不謂流落僅餘兩句。亦似斯人身世。卽以予觀之。與皇象後一帖一手僞作耳。

### 衛夫人書

衛稽首和南。近奉勅寫急就章。遂不得與師書耳。但衛隨世所學。規摹鍾繇。遂歷多載。年廿著詩論草隸通解。不敢上呈。衛一弟子王逸少。甚能學衛真書。咄咄逼人。筆勢洞精。字體遒媚。師可詣晉尙書館書耳。仰憑至鑒。大不可言。弟子李氏衛和南。

衛夫人帖。唐初李懷琳贋作。寶泉述書賦云。稽康絕交書七賢帖。亦李所贋也。黃云。此帖尤疏繆。按梁蕭子雲答武帝敕云。臣昔不能拔賞。隨時所貴。規摹子敬。多歷年所。二十六著晉史至二王列傳。欲作論草

隸法言不盡意。遂不能成。十許年始見敕旨論書一卷。商略筆狀。洞徹字體。始變子敬。全範元常。逮爾以來。自覺功進。此僞帖皆竊取子雲啓中語。欲小改之。遂失其句讀。又衛夫人乃李矩妻李充母。名鑠。字茂猗。與師書自當著名。不但稱夫族及姓也。以數事考之。其僞不疑。前輩論此帖。以其敕字從力。館字從舍。爲僞。未中其病。蓋自二王以來。譌字甚多。陳爲陣。策爲筴。皆二王輩自製。不可據此定真僞也。予按懷琳字殊少韞藉。與此不同。此似非懷琳自作。觀其諸字皆楷。而不可言三字作草。必是集晉字爲之。法書苑云。夫人是廷尉展之女弟。恆之從妹。中郎李充之母。充善楷書。妙參鍾索。此聖善之教也。夫人既是恆之從妹。書安得不佳。王子敬年五歲。神清朗悟。已有書意。每從諸兄造焉。夫人因書大雅吟賜之。後右軍亦嘗臨寫。墨藪云。夫人見右軍小時書。語太常王策曰。此兒必見用筆訣也。妾見其書。便有老成之智。因流涕曰。此子必蔽吾書名。少陵云。學書須學衛夫人。但恨無過王右軍。其傳尙矣。

僧懷素書

右軍云。吾真書過鍾。而草故不憾張。僕以爲真不如鍾。草不及張。所爲世之所重。以其能懷素書之。不足以爲道。其言當不虛也。

懷素此言似訶右軍。董道云。此阮籍臨廣武戰場之歎也。孫過庭云。伯英不真。元常不草。彼之二美。而逸少兼之。擬草則餘真。比真則長草。雖專工小劣。而博涉多優。蓋謂此也。唐太宗謂鍾書體則古而不今。字則長而逾制。心摹手追。右軍而已。庾翼舊藏伯英草書十紙。過江亡失。見右軍書煥若神明。頓還舊觀。翼



與太宗在前。其言如此。過庭懷素後出。其言如彼何也。

張旭書

足下晚後不知疾痛如何深。極憂難比也。上下安之。必得發耶。  
得足下十五日問爲慰。僕前患差。張旭書。  
此兩帖非贗。亦非合作。世所傳千文豪甚。今祕閣有二蹟。其一佳。



## 絳帖平卷二

月

漢張芝書

知汝殊愁。且得還爲佳也。冠軍整。暢釋。當不得極蹤。可恨。吾病來不辦行動。潛不可耳。

終年纏此。當復何理耶。且方有諸分張。不知以去復得一會不。講忘不忘。可恨。汝還當思更就理。一昨遊。悉誰同。故數往虎丘。不此甚蕭索。祖希時面。因行藥欲數處看過。還復共集散耳。不見奴粗悉。書云見左。軍彌。數論聽故也。

今欲歸復。何適報之。追不具。搥散佳。並侍郎耶。言別事有及。過謝憂勤。

二月八日。復得鄱陽等。多時不耳。爲慰如何。平安等人當與行。不足不過彼與消息。

八月九日。芝白府君足下。不日秋涼。平善。廣閑彌邁。想思無違。前比得書。不遂西行。望遠懸想。何日不勲。捐業漂沒。不常行李。又去春送舉喪到美陽。須待伴。比故遂簡。絕有緣。復相聞。飡食自愛。張芝幸甚。幸甚。太平興國中。詔天下搜訪前哲墨迹。圖書。先是荆湖轉運使得張芝草。韓幹馬以獻。此帖是也。按芝字伯英。弘農人。凡家之衣帛。必書而後練之。臨池學書。池水盡黑。下筆必爲楷。則號忿忿不暇。草書寸紙不見遺。韋仲將謂之草聖。此五帖僅一真。

不知以去。以與比同。蘭亭以爲陳迹。或作比。非。講忘或釋作竟。非也。竟字當于德字卷郝愔帖看之。米云。五帖皆張長史書。黃云。張祖希玄之字。與大令同時。當是長史書。黃云。帖辭耳。予按續晉陽秋。張玄之嘗爲冠軍將軍。又按世說。王東亭珣與張冠軍善。旣作吳郡。人問小令王珣曰。東亭作郡。風政何似。答曰。不知治化如何。惟與張祖希情好日隆。前兩帖所謂冠軍。蓋暢適祖希時面數往虎丘等語。似是珣作吳郡時帖。以爲伯英過矣。顏魯公虎丘寺詩云。拾宅仰珣珉。則知珣又嘗居吳也。後兩帖云。侍郎者。郝愔也。鄱陽者。王廙也。當是右軍父子帖。以上四帖。皆經長史或藏真手臨。藏鋒圓勁如篆筆。所謂錐畫沙者。也。長史嘗以此法授顏平原。平原授藏真。柳公權楊凝式皆得之。近時惟思陵獨擅其妙。第五帖章草。高古可愛。真伯英之妙迹。不日秋涼。諸家皆不曉不日二字。伯英旣是弘農人。則送喪至美陽。應亦有之。美陽岐山也。山谷云。此書絕妙無品者。信然。淳化官帖十卷。除二王書多佳者外。唯有張芝小草。皇象前帖。鍾繇宣示帖。王廙二表而已。苟伏膺於此四家。亦足以跨唐人矣。

後漢崔子玉書

賢女委頓積日。治此爲憂。懸懽心。今已極佳。足下勿復憂念。有信來。數附書知聞。以解其憂。崔瑗字子玉。後漢安平人。善小篆。草師杜度。衛恆云。章帝時杜度號稱善作。後有崔瑗。崔寔亦皆稱工。杜氏殺字甚安。而書體微瘦。崔氏甚得筆勢。而結字小疎。此帖附書知聞。是唐人語。筆亦不古。子玉書有張平子碑。傳于代。

吳皇象

文武將隊。乃俾俊臣。整我皇綱。董此不虔。古君子即戎從身。昭其果毅。尙其桓桓。師尙七十。氣冠三軍。詩人作歌。如鷹如鷂。天有泰一。五將三門。地有九變。邱陵山川。臣象言。頑闇容薄。加以年老。凡百乖穢。無所聞宜。特蒙哀傷。殊異之遇。安感騎乘之懽。遊息之燕。淳和足使忘軀命。榮觀足以光心膂。延望翹翹。念在效報。而蕭走垂須。終何才力。以答新恩。唯尙有借近。趙走文過。首貧尙尋天恩。智方常私成。無任顏愛。自彌文唯。

皇象。吳人。字休明。前一帖乃寫後漢東觀校書郎高彪送幽州督軍第五永箴。其文曰。文武將墜。乃俾俊臣。整我皇綱。董此不虔。古之君子。即戎忘身。明其果毅。尙其桓桓。呂尙七十。氣冠三軍。詩人作歌。如鷹如鷂。天有泰一。五將三門。地有九變。丘陵山川。人有計策。六奇五間。云云。蔡邕等甚美其文。以爲莫尙也。此以明爲昭。以呂爲師。蓋范曄作史。因晉代舊書。避晉諱耳。當以此爲正。第五句欠一之字。忘誤作從。或是傳訛。然書迹妙絕。遂爲章草之冠。

魏鍾繇書

尙書宣示孫權所求。詔令所報。所以博示逮於卿佐。必冀良方出於阿是。芻蕘之言。可擇廊廟。況繇始以疎賤。得爲前恩。橫所眄睨。公私見異。愛同骨肉。殊遇厚寵。以至今日。再世策名。同國休感。敢不自量。竊致愚慮。仍自達晨。坐以待旦。退思鄙淺。聖意所棄。則又割意。不敢獻聞。深念天下今爲已平。權之委質。外震

神武度其拳拳無有二計。高尙自疏。況未見信。今推款誠。欲求見信。實懷不自信之心。亦宜待之以信。而當護其未自信也。其所求者不可不許。許之而反。不必可與。求之而不許。勢必自絕。許而不與。其曲在己。里語曰。何以罰。與以奪。何以怒。許不與。思省所示報權疏。曲折得宜。神聖之慮。非今臣下所能有增益者。與文若奉事先帝。事有數者。有似於此。粗表二事。以爲今者事勢。尙當有所依違。願君思省。若以在所慮可。不須復白。節度唯君恐不可采。故不自拜表。

褚遂良右軍書目。有鍾繇宣示帖一條。山谷云。繇書大小有數種。予獨善此小字。又云。鍾繇書有十二種意外巧妙。世所傳者。乃右軍臨本爾。案袁昂評書云。鍾司徒有十二種意外巧妙。絕倫多奇。又云。鍾繇如雲鶴遊天。羣鴻戲海。行間茂密。實亦難過耶。以此言之。十二種巧妙。乃鍾會耳。非繇也。又案法書要錄。梁武論鍾繇書十有二意。謂平直均密。鋒力輕快。補損巧稱。非前所謂也。王僧虔云。亡高祖丞相導。喪亂狼狽。將鍾繇尙書宣示帖衣帶中。過江在右軍處。右軍借王敬仁修。敬仁死。其母以修平生所愛。并以入棺。眞迹遂絕。貞觀御府所藏。乃右軍臨本。開元中。與大令所臨白騎。遂帖在滑臺人家。國朝刻之淳化帖。蓋蘭亭之外。此帖便足爲寶。在樂毅論之右也。但今人不能研味之耳。世復有丙舍戎路。力命白騎。遂黃帝張樂五帖。近世汪氏有漢復帖云。是鍾書。皆別有平。此不載。

宣示帖云。昔與文若奉事先帝。昔訛爲者。以在所慮。古文以己一爾。漢書云。是時漢兵以踰勾注亦然。不須復白。白字下有兩點。古白字印文皆然。此帖黃初二年作。是年八月。孫權奉章遣于禁等還魏。故曰權。

之委質也。

晉丞相張華書

得書爲慰。僕諸惜疾已甚。暨西臥歸還。乃悉此將念及。不具。張華呈。  
范陽張茂先終于司空。非丞相也。唐世已無書迹。此帖僞作。麤惡多俗筆。與李懷琳所作七賢帖同。其末一筆皆下垂也。

晉丞相桓溫書

大事之日。僕在都。謂無所復見慰勞。又計時事也。還節往來。已具言意。餘所慰勞。諸相問答。邊將粗當爾耳。僕無所復治庶意。

案晉史。溫鎮荊州。母孔氏卒。上䟽解職。欲送葬宛陵。詔不許。此云大事之日。僕在都。無所復見慰勞是也。還節往來者。溫使人送旌節還臺也。諸相問答。邊將粗當爾耳者。謂邊將自能奏報。已可以去官也。無所復治庶意者。謂不復有意治軍政民事也。或謂溫時是在江陵。不當言都。殊不知古稱邦國都鄙。左傳稱大都三五之一。小九之一。後世稱軍爲都。所謂黑雲都雁子都是也。陳去非釋治庶爲酒席。殊無義理。述書賦云。元子正草。厚而不倫。若遺翰墨。猶帶眞淳。似山林之樂道。非玉帛之能親。信然。

晉丞相王導書

省示具卿辛酸之至。吾甚憂勞。卿此事亦不慙忘。然書足下所欲致身處。尙在殿中。王制正自欲不得許。

卿當如何導亦天明往。

導白改朔情增傷感濕烝自何如頗小覺損不帖有應不懸耿連哀勞滿悶不具王導。

山谷絕喜王茂弘此兩帖云傷感濕烝字皆佳張懷瓘稱其行草兼妙疎柯迴擢寡葉危陰此蓋彷彿矣。

懷瓘又論王會稽羲之草書第八在王廙世將茂弘下。案張懷瓘書議草書世將第五逸少第八世將王廙字並無茂弘當是堯年誤記。若爾何足以壓右

軍當別有合作者山谷云足下所欲致身處尙在殿中諸家多作穀中字雖摹失從山谷爲優十七帖中

殿字與此不相遠也濕蒸劉作濕惡。

晉丞相王敦書

敦頓首頓首蜡節忽過歲暮感悼傷悲今意想自如常比苦腰痛憤憤得示知意反不以悉王敦頓首頓首。

王大將軍書極佳不論其人乃可爾憤憤劉誤作快快。



## 絳帖平卷三

光。

晉太尉庾元亮書

亮白。奉告書箱。先爲媿子作。輒先以奉之。研今作之。支髮枕。今作無作模。若有可權付之。亮再拜。  
媿音氏。又音啼。江淮呼母爲媿。此當是以名小兒耳。王僧虔云。庾征西少時。與右軍齊名。右軍後進。庾猶不分。在荊州。與都下人書云。小兒賤家鷄。皆學逸少書。須吾下當比之。觀此帖。誠去右軍遠矣。亮字元規。誤題曰元亮。

晉車騎將軍庾翼書

故吏從事中郎庾翼參軍事劉遐死罪白。昨所啟。庸遺孟曷所請求。述上事。事須檢校。諮論。光駕當出。請不從。詣錄事中郎共詳處。別白。謹啟。翼遐死罪死罪。

已向季春。感慕兼傷。情不自任。奈何奈何。溫和足下何如。吾哀勞何賴。愛護時不。足下頃氣力。熟若別時。庾翼亮之弟。嘗爲陶侃府從事中郎。晉有兩劉遐。其一太寧二年以平王敦功。封泉陵公。其一南岳魏夫人之息。此泉陵也。黃云。此啟當是與侃。二庾皆以能書名。此不能佳。

第二帖贗作

晉太守沈嘉長書

十二月十三日。嘉頓首頓首。歲有感懷深寒切。想各平安。僕勞弊遣不具。沈嘉頓首頓首。述書賦云。長茂草勢。既捷而疎。慕王不及。獨斷所如。猶鷺鳥擊搏而失中。因踰踰于丘墟。此帖屢可知。嘉字長茂。題作嘉長。亦非。

晉侍郎杜預書

十一月十四日。預頓首。歲忽已終。別久益兼其勞。道遠書問又簡。間得來況。知消息申省次。若言面親。故數移轉。想祖父自具云也。祖父如足下來言。小大云具絕。女親親也。有信數附書信。以慰吾心也。杜征南第一帖。筆畫稍佳。而措詞非古。黃云。或是江左人書。第二親故帖。大體與皇象第二帖。崔子玉帖同語。亦似崔帖皆僞也。

晉王循書

七月廿四日。循詹頓首。秋月感思深。得近示爲慰。餘熱比復可不。僕疾患故爾。不平復頓。勿力書不宣。王循詹頓首。

米云。王循馬攸。王劭。劉瓌之。劉穆之。王廐。張翼。陸雲。山濤。卞壺。謝發。羊欣。與章一手僞帖。

晉劉超書

超死罪白。如命皆令有本。未保任。然後受隨宜分處。謹白。

此帖與庾翼第二帖同一手僞書。按超爲人忠謹清慎。書迹與元帝相類。乃絕不與人交書。述書賦云。元帝之用筆可觀。世瑜之呈規仰似。世瑜超字也。此帖與元帝大別。其僞可知。

晉散騎常侍謝瑤伯書

此計江東精兵。不可卒得。唯當善養見者。而事慮日多。如比來憂懷。實已萬端。

江東謂吳中也。項羽所謂江東父老者也。此似右軍論時事。帖書亦甚似。但已經唐臨。失其精妙處爾。

晉謝莊書

弟昨還。方承一日。忽患悶。當時乃爾大惡。殊不易追企。恆想諸治。昨來已漸勝。眠食復云何。頓日寒重。春節至。居患者無不增動。今作何治。眼風不異耳。指遣承問。謝莊白呈左僕射。

謝憲子書。全倣子敬。風氣殊佳。案史莊素多疾。與大司馬江夏王義恭牋。自陳兩脅癰疾。眼患五月來。使不復得夜坐。此云眼風不異耳。當是此時書也。爾時蕭思話爲左僕射。愛才好士。人多歸之。此帖當是與蕭啟莊宋人誤題爲晉。

晉劉瓌書

瓌之頓首。頓首。朱陽遠感。閤知有患耿耿。知以自屈。恨不相見。力及不比望。瓌之。

劉瓌之善八分。大令既不肯書太極殿榜。謝安遂令瓌之以八分題之。此僞帖也。黃云。與王廙二十四日帖無異。題欠之字。

晉黃門侍郎王徽之書

得信承嫂疾不減。憂灼寧復可言。吾便欲往。恐不見汝等。湖水泛漲不可渡。遂復隔絕。不然。尋已往彼。故遣疏知吾遠懷。不具。徽之等告。

王右軍七男見十七帖。擬之。操之。徽之。渙之。獻之。并有書迹傳世。下二子玄之。肅之。書迹不傳。黃云。集帖者不惟失諸子之序。而誤以坦之參其中。意謂坦之亦右軍子也。殊不知坦之王述子。乃太原族。右軍乃琅邪族耳。按史右軍嘗謂其諸子曰。吾不減懷祖。而位遇懸邈。當是汝輩不及坦之故耶。右軍家山陰。湖水泛漲。謂鏡湖也。

晉王坦之書

坦之惶恐言。不知已與謝郎論坦之事未。其意良不了者。今當詣公自陳。願告坦之惶恐言。此帖中言謝郎似指謝安。安爲僕射時。坦之爲北中郎將。徐兗二州刺史。觀其稱公。非與尙書令王彪之。卽會稽王道子也。何以知。下云惶恐言。乃與所尊者啟耳。筆差不凡工夫少。

晉王渙之書

渙之等白。不審二嫂常患復何如。馳情倫直等平安。計嫂倫奴已應在道。企遲適東五日。動靜最差。速姑如復小勝。冀遂和耳。猶不寧。餘上下故常患反側。此悉佳。渙之等白。

渙之此帖。或是大令書。倫直皆王氏女子。大令屢言之。姑如復小勝。王右軍妹適曹者。所謂曹妹也。餘上

下故常患上下患三字頗難辨。

晉王操之書

操之等近得識婢書。慰意。知年光數間可不得。姜順消息。懸心。操之頓首。

此帖當是好事者集大令帖中字爲之。操婢姜順消息等字皆同。但熟觀大令帖。方知其爲集字也。祕閣續帖中。操之自別有草蹟帖。與此大懸。足了此爲僞草。近字欠未復一筆。故諸家釋爲上。

晉王凝之書

八月廿九日。告庾氏女。明便授衣。感逝悲歎。念增遠思。得郗中書書。說汝勉強難安隱。深慰懸心。漸冷產後何似。宜佳消息。吾並更不佳。憂之。遣不次。凝之等書。

按史。郗愔嘗爲中書侍郎。又爲臨海太守。與姊夫王羲之。高士許邁。並有邁世之風。愔蓋凝之舅也。所稱郗中書。卽愔也。庾氏女似是凝之或徽之女。女子已嫁從其夫姓。猶陶淵明所謂程氏妹也。但不曉古人父與女書而稱名。祕閣續帖有徽之與女帖。末云。徽之等告。亦不可曉。然謝安與其猶子書。乃云父告何也。予意已行之女。古人以客禮待之。故稱名。勉產也。今俗間謂之分免。漢書許后傳。今皇后常免身。大令阮新婦勉身得雄。亦如此。

右逸少四字。黃云。皆得家範。而體各不同。是善學逸少者。顏延年對宋文帝論其諸子。自謂竣得臣筆。測得臣文。契得臣義。躍得臣酒。書亦猶是也。僕今以擬王氏諸子。則逸少之書。凝之得其韻。操之得其體。徽

之得其勢。渙之得其貌。獻之得其源。予觀世無真迹久矣。未易作許平也。

晉海陵恭侯王邃書

寒佳不張承嬀事云何。是良對。足下可時令知女決也。王邃白。

邃書亦不落流俗。可喜。

晉征西司馬索靖書

七月廿六日。具書靖白。雖數相聞。不解勞倦。信至得書。喜知弃云宅。及計來東。言展有期。索靖白。

索靖帖字皆作古體。山谷云。此字筆端意長。誠不可及。長沙古帖中有急就章數十字。劣於此帖。黃云。靖七月二十六日帖本七紙。晉王平南廩每寶翫之。值永嘉之亂。乃四疊綴衣中以渡江。唐蒲州桑泉令豆盧器得之。疊迹猶存。今所錄惟一紙耳。摹傳失真。無復意象。予觀信至得書。喜知弃云宅。及計來東者。云云也。漢書泰山郡蒙陰縣有云云亭。所謂禪云云者也。弃云宅者。猶杜詩所謂春宅棄汝去也。計者。上計吏也。來東者。猶詩所謂我來自東者也。按史靖嘗爲魯相。豈有故人未仕者在云云耶。此數語人多不曉。喜知弃三字又訛。當以理會。劉禹錫嘉話云。歐陽詢見索靖所書碑。駐馬觀之。良久而去。行數百步。復還下馬立觀。疲倦卽坐。因宿其旁。三日而後啟行。欣然若有所得。

晉侍中劉穆之書

亦知足下家弊耳。倉卒無祿官推遷。不得不相用。事已御出。寧復吾所得迴復。足下且當就之。公還當思。

更律昏申師情事也。劉穆之白。

劉穆之雖晉人，實劉裕之敬翔耳。穆之與朱齡石嘗于武帝坐答書，自旦至日中，穆之得百函，齡石得八十函，而穆之應對無廢，足見其敏。此帖僞。

晉車騎將軍紀瞻書

瞻白。昨信來。

案原書缺二字

今蓋又貧家，無以將意。今粉二斗少香，所謂物微意全者也。力言不多。紀瞻頓首。

黃云：觀物微意全等語，不待見書知其僞。予謂瞻晉名儒，必不作此帖。官終驃騎，非車騎也。凡僞帖中不可解者，皆不合草法。

晉太守張翼書

廿三日翼頓首。節過多懷，得近書爲慰。意以何如？深勞弊頓，曳力還，不具。

王僧虔評書云：王右軍自書表上晉穆帝，帝令翼別寫題後答之。右軍當時不別，久後方悟。云：小人幾欲亂真，此帖僞作可見。

晉陸雲書

三月十六日雲白：春節餘不適，得示知足下平安，爲思而未知何由。如何？信數之及，卿既清遂可之。經高言人歎之，當令征南取之也。

陸雲帖與紀瞻帖同一手僞作。

晉中書令王恬書

得示知足下問吾故不差殊劣劣力不具王恬書  
豫丞相導第二子書兩行極佳寶蒙云恬洽皆不見真迹不知官帖何從而有二人書也。

晉太守山濤書

侍中尙書僕射奉車都尉新沓伯臣濤言臣近啟崔諒史曜陳准可補吏部郎詔書可爾此三人皆衆論所稱諒尤質止少華可似敦教雖大化未可倉卒風尙所勸爲益者多臣以爲宜先用諒謹隨事以聞也  
七賢帖中有山濤書已是李懷琳僞作此帖亦僞黃云恐是寫當時語耳亦非也濤爲奉車都尉時未爲侍中後爲冀州轉北中郎將鎮鄴乃入爲侍中遷尙書此見其妄且濤爲侍中奉車都尉時銓選非所典掌不應擬此三人爲郎以此見好事者假託山公啓事之名而爲之。



# 絳帖平卷四

天

晉侍中卞壺書

足下佳不。朝北中郎上。獲諸誠文墨至便。在舍事許。改愛子紙下物。知此草勿令一人見也。吾今勅書事。令不發。亟付卿發。發便密令人房之。卞壺白。

壺誤題作壺。發便密令人房之。房防古通用。

晉謝發書

晉安素自強壯。且年時尙可。當延遐期。豈謂奄至於此。自畢遠境二三。惋愕不能已已。未欲旨問。悲酸悵悵。想不久可得還耳。執筆惻感。

晉安如陶詩殷晉安之類。以上二帖。語雖古而書非。晉置晉安郡。今福州。梁簡文所封。

宋特進王曇首書

昨復散差。可然不過佳。請示所宜。如更增劇。恐難爲力耳。未能令遣俗。有餘念故耳。王曇首和南。

王曇首名昭。然有一首字。而王著違之。劉亦不覺其非。釋爲答也。曇首事宋文帝。以太子詹事侍中卒。年三十七。當時稱王詹事。未嘗爲特進也。

宋中散大夫羊欣書

三月六日欣頓首。暮春感摧切割。不能自勝。當奈何奈何。得去六日告深慰。足下復何如。胸中日勝也。吾日弊難復。令自顧憂歎。情想轉積。執筆增惋。足下保愛。書欲何言。羊欣頓首。

羊敬元年十二時。王子敬甚知愛之。夏日著新絹裙。晝寢。子敬見之。書裙數幅而去。欣書本工。因此彌善。王僧虔評書云。欣書見重一時。親受子敬。行書尤善。正乃不稱名。袁昂評書云。欣書似婢作夫人。舉止羞澀。終不似真。蓋謂不盡力于正書也。而史稱其善隸書何耶。欣自有筆精帖傳于世。此帖僞作。謝發云。執筆惻感。此云執筆增惋。字雖大小真行不同。觀其筆勢。乃一人所作耳。

宋太常卿孔琳書

日月深酷。撫膺崩叫。心肝分胎。尋繹懷懣。觸感隕絕。孤思悵悵。自郡地窮衆奈何。不孝奈何。念痛悼難勝。得去月二示。知君所患。故爾不差。甚有幽悵。熱甚比復何似。想已轉佳。眠食極勝也。善將治之。孤子並疾患。歎具恨恨。胸中轉劇。近服散未覺益。悵頓何賴。扶力迷甚。不次。孤子孔琳奈何頓首。

孔琳之字彥林。題欠之字。會稽人。宋太常善草隸。此帖縱逸亦可喜。竇臯述書賦。亦稱其緊速也。大抵右軍以前書法。真自真。行自行。章自章。草自草。王子敬年十五六時。啟其父。乃于行草之間。別創新體。故當時傾慕。羊薄謝孔之徒。一時爭效。而正行之體壞矣。蓋行草爲書。不惟便于揮運。而不工于字。但能行筆者。便可爲之。知古之士不貴也。自唐及今。書札之壞。實由于此。蓋縱逸甚易。收斂甚難。人心易流。宜其書

之。不古。甚者反以學古爲拘。良可歎也。今欲觀古人正行。蘭亭敍玉潤帖之類。是已。學者當知之。黃云。此帖恨恨等十二字偏小。蓋行開側注。摹帖者妄以入行耳。當依口本爲勝。予按王僧虔伎錄載漢魏樂府歌辭。皆有側注也。自地之間一字不可曉。諸家作郡未是。示君之間作知字。雖失。猶有理。歎具或作歎。歎迷下一字不可曉。恐是書字欠一筆。服散黃作明散。恐是摹失。

### 齊侍中王僧虔書

臣僧虔啟。南臺御史謝憲。乃堪驅使。臣門義舊。粗是所悉。統內新故。雜米數十萬斛。實須督切。憲今請假在此。臣欲折以統攝。庶得速辦。其頻經督運。已有前效。謹以啟聞。伏願聽許。謹啟。

王簡穆琅邪人。書名齊代。此帖雖佳。亦應失真。簡穆自謂正書第一。今觀其位置。未爲盡善。蓋自子敬以後。楷法不古。宋齊人喜效子敬行草。故于正書不甚用工也。然簡穆特善評書。言必稽古。未嘗以己意定高下。又與齊高帝較書之優劣。其言不讓。亦猶子敬自稱過父。當時人自重書名如此。

### 隋僧智果書

梁武帝評書。從漢末至梁有三十四人。王僧虔書猶如揚州王謝家子弟。縱復不端正。奔奔皆有一種風氣。王子敬書如河朔少年。皆充悅。舉體沓拖而不可耐。羊欣書似婢作夫人。不堪位置。而舉止羞澁。終不似真。阮研書如貴冑失品次。不復排突英賢。王儀同書如晉安帝。非不處尊位。而都無神明。殷均書如高麗人抗浪。乃不有意氣。而姿顏自足。精味徐淮南書如南岡士大夫。徒尙風軌。然不寒乞。陶隱居書如吳

與小兒形狀未成長而骨體甚峭快。吳拖書如新亭僧父一往似揚州人共語語便態出柳產書如深山道士見人便欲退縮曹喜書如經綸道士言不可絕王右軍書字勢雄強如龍跳天門虎臥鳳閣故歷代寶之永以爲訓蔡邕書骨氣洞達爽爽如有神力程曠平書如鴻鵠弄翅頡頏布置初雲之見白日蕭思話書如舞女低腰仙人嘯樹李鎮東書如芙蓉之出水文彩如鏤金桓玄書如快馬入陣隨人屈曲豈須文譜范懷約真書有分草書無功故知簡牘非易皇象書如韻音繞梁孤飛獨舞孔琳之書如散花空中流徽自得李巖之書如鏤金素月屈玉自照薄紹之書如龍遊在霄繒綌可愛秦獄吏程邈善大篆得罪始皇雲陽獄增減篆體志其名其書曰隸也扶風曹喜後漢人不知其官善篆及隸篆等少異李斯見重一時耶鍾司徒書字有十二種意外巧妙絕倫多奇崔子玉書如危峯阻日孤松單枝邯鄲淳書應規入矩方圓乃成師宜官書如鵬翔未息翩翩而自逝梁鵠書如龍威虎震劍拔弩張張伯英書如武帝愛道憑虛欲仙衛恆書如插花舞女援鏡笑春索靖書如飄風忽舉驚鳥乍飛鍾繇書如雲鶴遊天羣鴻戲海行間茂密實亦難過耶案梁武論鍾繇書有十二意均間平直疎密損益之類至唐人傳其法解釋尤詳此云鍾司徒書有十二種意外巧妙絕倫多奇未知是前十二意不然則傳流之差以元常爲司徒或司徒又自有十二種意外巧妙過其父耶

書評乃梁武命袁昂作非武帝評也事見法書要錄據此帖止有三十人而兩曹喜法書要錄云袁崧書如深山道士見人便欲退縮蕭子雲書如經綸道人言不可絕以此知智果誤以袁崧爲柳產子雲爲曹

喜也。然兩書所載人名數各不同。

王僧虔 王子敬 羊欣 阮研 王儀同 殷均 徐淮南 陶隱居

吳 拖 柳 產 曹 喜 王右軍 蔡邕 程曠平 蕭思話 李鎮東

桓 玄 范懷約 皇象 孔琳之 李嚴之 薄紹之 程 遞 扶 曹 喜

鍾司徒 崔子玉 邯鄲淳 師宜官 梁 鵠 張伯英 衛 恆 索 靖

鍾 繇

右三十三人官帖

王僧虔 王子敬 羊欣 阮研 王儀同 殷均 徐淮南 陶隱居

吳 拖 袁 崧 蕭子雲 崔子玉 師宜官 韋 誕 蔡 邕 鍾司徒

張伯英 索 靖 梁 鵠 皇象 衛 恆 孟光錄 李 斯 鍾 繇

王逸少 蕭思話 薄紹之

右二十七人法書要錄

其他尚多。抵牾世無善本可校。案智果、智永同是辨才弟子。果得右軍骨。永得右軍肉。皆以能書名。永書固爲妙絕。果書如此。未爲高古也。黃云：此字局闊天然少。疑非智果。案梁武帝藏鍾張二王書至多。嘗使虞緡陶隱居輩訂證。不獨袁昂也。

隋朝法帖

皇帝敬問整州雙林寺慧則法師。朕尊崇聖教，重興三寶，欲使一切生靈咸蒙福力。法師捨離塵俗，投志法門，專心講誦，宣揚妙典，精誠如此，深副朕懷。既利益羣生，當不辭勞也。猶寒道體，如宜令遣使人指宣往意。

隋朝帖當是吏筆，薄有吏氣，予嘗見唐吏筆亦如此。

宋儋書

自一接拜，情同弟兄。沈吟緬懷，固非小子之所勤及也。策質前謝，恐乖昔賢共弊之道。晦事勿語，且絕詩人匪報之實。遲回循軀，倏俛未已，殆將有辰矣。足下多可不怪。高情內含，如筠斯清，比蕙又暢。儋不以感氣厚而修詐自廣，不以撫己多而私頌作德，未致力謝。馳懷宣書，何陳萬一也。悚息。今秋盡野外，草木變衰，長郊蕭條，風物淒緊。清都久客，莫復相親。足下退食公庭，睡罷私室，櫛沐晞景，收視解聽，豈念歲華不待厭倦爲旅之士哉。頃者釀玉初令，絃絲正調，竟欲左攜鄭君，幽指藥妙。右對董叟，高談道微。情酣世忘，浩去塵糈。思足下能順試實，其事爲何如哉。時聞真聲，迴聞笙鶴，此復異於人境耳。可以息寢，可以嘯歌。久不聞然，期今日之事也。倚候騎氣，自豫光臨幸甚，謹馳疏不得一一。宋儋白。

案寶泉迷書賦云：宋儋，李璆擅美中州。李師王而意淺，宋效鍾而體流。注云：儋，字藏諸，廣平人。高尙不仕，書作鍾體，而側戾放縱。黃氏深不取其書，以爲但作側戾，殊失天勢。東坡山谷殊不喜其文，乃云其人不解此狡獪，書便不足觀。前輩之去取不同如此，然而譬之查梨橘柚，終不可棄也。

# 絳帖平卷五

德

絳帖中此一卷。皆晉代名賢之妙蹟。惟王虞二十四日帖。謝安後一帖是贗。餘皆可以爲師法。

## 晉中書令王洽書

洽白。辱告承問。洽故爾劣。冀以復敍。還白不具。王洽再拜。

洽頓首言。不孝禍深。備嬰荼毒。蔭恃亡兄仁愛之訓。冀終百年。永有憑奉。何圖慈兄一旦背棄。悲號哀摧。肝心如抽。痛毒煩冤。不自堪忍。酷當奈何。痛當奈何。重告惻至。感增斷絕。執筆哽涕。不知所言。洽頓首言。

洽頓首言。兄子號毀。不可忍視。撫之摧心。發言哽慟。當復奈何奈何。洽頓首言。

洽白。尙感塞不成敍。得告承問。殊乏劣。白不具。王洽再拜。

王領軍敬和丞相第三子。右軍之從兄也。王僧虔評書云。領軍謂右軍曰。弟書遂不減吾變古制。今惟右軍領軍不爾。至今猶法鍾張。今觀此帖。清逸閑雅。真不在右軍下也。

## 晉司徒王珣書

珣頓首頓首。此年垂竟。悲懷兼割。不自勝。奈何奈何。寒切體中。比何似。甚耿耿。僕疾遂不差。眠食少。憂深。遺書不次。王珣頓首頓首。

十八日珉白。比二書暨至。未更近問。懸情不適。比可不。吾羸疾故爾。憂深。力書不具。王珉敬問。何如。僕故頓弊。力書不次。王珉頓首頓首。上下何如。僕上下大都蒙恩。得書至之。吾具。

今欲出耳。吾此月亟遣。廿四。是王濟祖日。欲必赴。卿可剋過。明吾當下解相待。餐出亦遣報。既至王家。畢卿可豫擬光公。令作一頓美食。可投其飯也。王珉前報。

王小令珉。治之子。善行書。子敬云。弟書如騎驛。駸駸欲度驂驪。前代子敬爲中書。故世謂子敬爲大令。珉爲小令。卒贈太常。不爲司徒也。書視敬和爲小劣。與元琳王珣當雁行。第四帖尤奇。王濟當是人名。祖日者。祖錢之日。剋過此也。與逸少帖安石。昨必欲剋潘家。剋二十五日同。陳子昂表云。除此之際。未有剋期。至今陰陽家謂之剋擇。黃云。小令此年帖。本唐人所畜。與二種虞松三帖爲一卷。珉帖末云。輔國司馬君。筆勢婉雅。與此間矣。此亦無後五字。

晉司徒王珣書

三月四日珣頓首。未冬衆感。得七月書。知問寒何如。就弊憂之。劣不具。王珣頓首白。元琳季琰之兄。誤列在後帖中。如此多矣。山谷云。衆感字皆佳。

晉侍中王廙書

二十四日廙白。唯久白想適妙。來行未面遲想。得示知同云。冀何生相見近及不多。王廙白。臣廙言。臣祥除以復五日。窮思永遠。肝心寸截。甘雪應時。嚴寒奉被手詔。伏承聖體御膳勝常。以慰下情。



臣故患旬滿氣上頓乏勿勿。慈恩垂愍。每見慰問。感戴屏營。不勝銜遇。謹表陳聞。臣廩誠惶頓首頓首死罪死罪。

臣廩言。昨表不宜奉賜手詔。伏承聖體勝常。以慰下情。不審宿昔復何如。承鄭夫人乃爾委頓。今復增損。伏惟哀亡愍存。益勞聖心。謹附承動靜。臣廩言。

七月十三日告藉之等。近日遣王秋書不言。月行復半。念汝獨思。不可堪居。奈何奈何。雨涼不差。嫂何如。汝所患遂差。未懸心不可言。阿母蒙恩。上下悉佳。宜可行。

瘡如復斷。要取未斷。愁人宜復具日發。與別惘惘不可言。今遣使未北反。書不具白。復會日消息。廩疏。王世將從王敦之命。爲平南將軍。故晉人多稱爲王平南。沒贈侍中。爲明帝師。書爲右軍法。過江右軍前平南爲最。今觀後二表。真有鍾元常之風。祥除表世別有全本。後云。具官臣王廩上。此欠一行。七月十三帖。意筆清遠。天下之佳書。黃云。世將信能鍾氏筆意。山谷云。王侍中學鍾絕近。真行皆好。如此書乃可臨學。雨涼不下一字不曉。諸家作悉。後有悉佳字不爾。

晉太宰高平郗鑒書

鑒頓首頓首。災禍無常。奄承遘難。念孝性攀慕。兼剝不可堪勝。奈何奈何。望遠未緣。鉞苦以贈酸楚。鑒頓首頓首。

老郗雖非賈。校官帖爲無韻。寶泉云。博哉四庾。茂矣六郗。今存其三。攀字下省一筆極佳。

晉侍中郗愔書

九月七日愔報比得章知弟漸佳至慶想今漸勝食進不新差難將適猶懸憂遣不具愔報比書想悉達日涼弟佳不及數字愔報

遠近何地王右軍竟去不付石首干一節

想親親悉如常敬豫何當來耶道祖故未善差恆在尙書不見來多日

山谷云郗方回書初不減王氏父子方回右軍婦弟書固當佳第二帖似缺文石首干卽乾也古謂干穉二字通用敬豫王恬字丞相子道祖未詳

晉中書郎郗超書

超言遠近無他說苟異問者定虛耳云段龜歸順不知審不王江州爲宗正似已定前所傳者虛妄耳異同自旨啓超言

按晉書地理志石季龍末遼西段龜自號齊王據青州永和七年龜以青州來降以龜爲鎮北將軍封齊帖中言段龜歸順以此又按史庾亮亡後逸少爲江州王允之繼之此咸康建元之間去龜歸順尙十許年不知何爲爾也書亦不工

晉尙書令衛瓘書

頓州民衛瓘惶恐死罪中闕音敬望盡想懷在外累年始爾得還情甚踊躍旦至卅里上須節度明日乃

入奉說欣承福祚日白不具。瑾惶恐死罪。  
頓州民衛瑾頓字下當有一首字。古無頓州。瑾河東安邑人。若以爲頓丘。又在衛地。了不相干也。瑾與索靖俱善草隸。號一臺二妙。雖嘗爲尙書令。終於太保。山谷云。衛中令晉敬帖。近世草書。不復敢望其藩籬。此一章語亦佳。

晉黃門郎衛恆書

一日有恨。知問未面爲嘆。欲七日云邪。恆白。  
恆卽瑾子。其論四體書。極有源流。非後世所及也。王簡穆云。二衛書無以評其優劣。但見其筆力驚異耳。此帖皆似失真。亦見上字卷。

晉太傅陳郡謝安書

安頓首頓首。每念君一旦知窮。煩冤號慕。觸事崩踊。尋繹荼毒。豈可爲心。奈何奈何。臨書悽悶。安頓首頓首。

六月廿日具記。道民安惶恐言。此月向終。惟祥變在近。號慕崩痛。煩冤深酷。不可居處。比奉十七十八日二告。承故不和。甚馳灼大熱。尊體復何如。謹白記不具。謝安惶恐再拜。

安石書不在大令下。故不甚重大令書也。六月廿日帖。米云。慶誠然。黃以爲傳摹失真。過矣。山谷云。道民安蓋事五斗米道者。右軍爲獻之女玉潤請罪。亦稱民也。又云。謝太傅墨迹。聞駙馬都尉李公照有之。不

作姿媚態度。恨不見爾。但如此去。右軍父子間可著數人。

晉散騎常侍謝萬書

七月十日。万告朗等。便流火。感傷兼切。不自勝。奈何奈何。轉涼。汝等各可之知。近問邑邑。吾涉道勳下。瘡乏。劣力及不具告。父疏。

萬石人品在安石下。當時有攀安提萬之語。書亦然。然總謂之二謝。朗萬兄之子。而自稱父告。亦猶疏受謂疏廣叩頭從大人議。蓋古人之諸父猶父也。問與聞同。

# 絳帖平卷六

山

晉王羲之書

山谷云。右軍筆法。如孟子言性。莊周談自然。從說橫說。無不如意。非復可以常理待之。又云。王氏書法。以爲如錐畫沙。如印印泥。蓋言鋒藏筆中。意在筆前耳。承學之人。更用蘭亭永字。以開字中眼目。能使學家多拘忌。成一種俗氣。要之右軍二言。羣言之長也。

得袁二謝書。具爲慰。袁生暫至都。已還未。此生至到之懷。吾所也。

袁謂袁宏。二謝謂安萇。袁宏嘗從桓溫北伐。謝安亦嘗爲溫司馬。右軍當是得袁謝爾時書所也。之間當別有一字。袁或是陳郡袁嶠之。與右軍謝萇同燕曲水。

不得臨川問。懸心不可言。子嵩之子來。數有使。冀因得問示之。

法書要錄十卷。載右軍帖語云。僕有至臨川意。蓋右軍嘗爲臨川也。庾敳字子嵩。與王夷甫同遇害。黃云。子嵩與右軍不同時。然此言其子耳。

想小大皆佳。知賓猶爾耿耿。想得夏節佳也。念君勞心賢姊。大都轉差然。

賓。當是蔡公謨家兒。報字卷云。蔡家賓至。法書要錄。載右軍帖語云。小大佳否。賓轉勝。又云。得官奴書。賓

平安皆若人也。

又不能不痛熙薦亡。政爾復何于求之。度政當求之內事。餘理不絕。求之一條。當有冀不。信罔然前途。願具誨之以悟其心。

郝曇字重熙。右軍婦弟。爲北中郎將。戰敗左官而亡。亡在升平五年正月。右軍亦以是年亡。見真誥。但未知先後耳。或是右軍在後。作此帖也。薦亡者。謂曇代荀羨爲北中郎將。二人相繼早世也。陳簡齋甚疑此字。大意逸少因羨熙之亡。感人生之短景。貽書高士。講求性命之理。故曰求之內事。當有冀不。又云前途願具誨之。以悟其心。似亦謂此。按許詢。郝愔。與右軍皆從仙人許邁遊。此帖當是與邁輩而傳臨之餘。字殊惡矣。

行成旅以從。是月也。景風司至。星火列宵。伯趙鳴而載陰。爽鳩習而揚武。時可以升高。望遠。禮可以出宿。餞行。有詔具寮。爰開祖。

此帖六行。山谷云。恐是虞褚輩早年書。實不爾。黃云。光輩以爲張說送賈至文。非也。乃賈曾送張赴朔方序。中云。備官而行。成旅以從。下云。有詔具寮。爰開祖宴。且申後命。寵以蕃錫。此帖自行字上。祖字下。皆亡。而作草書。皆不綴屬。當是集逸少書寫此序耳。米亦云。自是月以下。僞殊不知行成以下。已僞矣。予按此帖墨迹。尚在祕省。乃流俗書。非集右軍字。

兄靈柩垂至。永惟崩慕。痛貫心膂。痛當奈何。計□□□黃云。此帖僞。非也。但嘗經俗筆臨耳。褚氏書目。有

兄安厝情事長畢帖。右軍不聞有兄。乃羣從耳。

羲之頓首。闊別稍久。眷與時長。寒嚴足下何如。想清豫耳。披懷之暇。復何致樂。諸賢從就。理當不踈。吾之朽疾。日就羸頓。加復風勞。諸無意賴。促膝未近。東望慨然。所冀日月易得。遠期非遠耳。深敬。宜音問在數。遇信念邊。萬不一陳。

山谷云。此好事者戲爲之耳。書未爲甚惡。而以亂逸少則不可。如云吾之朽疾。日就羸頓。皆懷素高閑輩鄙語。

日月如馳。嫂棄背再周。去月穆松大祥。奉瞻廓然。永惟悲摧。情如切割。汝亦增慕。省疏酸感。此帖似是右軍語。法書要錄中亦載此數語。但多不同耳。穆松似是王氏兒。又一帖誤在鍾繇後。云松等憤懣。亦此人也。

建安靈柩至。慈蔭幽絕垂卅年。永惟慕痛徹五內。永酷奈何。無由言苦。臨紙摧哽。羲之報。

此帖墨迹在王順伯家。傳寶有緒。右軍帖傳至今者。祕閣尙有二十許軸。多唐人鈎臨。聞此妙迹。恨未得見。嘗有墨本。頗勝官帖也。帖語亦見法書要錄。

此諸賢粗可時見省。甚爲簡闊。遠須異多少患。而吾疾篤。不得數爲歎耳。

知足下散勢小差。此慰無以爲喻。云氣力故爾。復以悒悒。想散患得差。餘當以漸消息耳。吾頃無一日佳。衰老之弊。日至。夏不得有所噉。而猶有勞務。甚劣甚劣。

散者何晏所服寒食散。解見大令帖。

近因鄉里人書。想至知故。面腫耿耿。今差不。吾比日食意如差。而髀中故不差。以此爲至患。至不可勞力數字。令弟知問耳。

右三帖書有頓挫。鋒勢雄勁。真右軍名迹。

適重熙書如此。果爾乃甚可憂。張平不立勢向河南者。不知諸侯何以當之。熙表故未出不說說。荀侯疾患。想當轉佳耳。若熙得勉此一役。當可言淺見。實不見。今時兵任可處理。

郗曇字重熙。右軍婦弟。按史殷浩北伐。以荀羨爲北中郎將。而羨有疾。朝廷以曇爲羨軍司。加散騎常侍。頃之羨徵還。仍除曇爲北中郎將。此帖熙表故未出否。荀侯疾患。想當轉佳。若熙得勉等語。知是彼時作。蓋羨北伐時。年二十八。殷浩以羨在事有能名。故居以重任。右軍所以憂也。是時并州刺史張平爲符堅所逼。奔平陽。穆帝升平二年六月也。曇爲北中郎將。在八月。此帖右軍暮年筆。小佳。更致問一一。適修載書平安。

修載王奢之字。琅邪人。虞之弟。

慈顏幽翳垂卅年。而吾勿勿。不知堪臨。始終不發言。哽絕。當復奈何。吾頃至勿勿。比加下。此帖字畫未爲佳。然語見法書要錄。當是臨失。

昨見君歡復無喻。然未善悉。想宿昔可耳。脅中云何。一善消息。值周轉勝也。耿耿。



黃云。似是集成。字意皆不相屬。非也。此乃一筆書成。初書數字。筆鋒含墨。後乃筆乾耳。值或作德。皆未詳。疾患小差。與弘遠俱次。遲共寫懷。王羲之。

此帖非僞。遲共寫懷。其或作無作與。皆非。此共字昭然。特模多第二筆耳。弘遠是二人名。俱次。次舍也。諸家解作論詣。皆非。後卷期已至帖。次道字亦如此。

承足下還來。已久別。欲參慰。爲染患。不能得往問。眷仰情深。豈此委具。一兩日少可。尋冀言展。若因行李。願存故舊。今遇賢弟還。得數張紙。勞動幸不怪耳。謹此代申。不具。釋智永。

右帖末作釋智永。不待能者。皆知其非右軍書。劉云。太宗皇帝豈不曉此釋智永字。特取其筆法類右軍耳。山谷云。是永師書之不臧者。以予觀之。不類右軍。智永亦不肯作此鄙語惡書也。此墨迹在祕閣。又與一帖同卷。題云。右軍書末有弘白二字。甚昭然可笑。然劉無言亦嘗編入祕閣續帖。以爲王右軍書也。殆不可曉。

雪候旣不已。寒甚。盛冬至可苦患。足下亦當不堪之。轉復知問。王羲之。知遠以當造次。遲見此子。真以日爲歲。足下得審問。旨令君。

右二帖是右軍書之平平者。

荀侯佳不。未果就卿許。企懷耳。安西音信明云。遇得歸洛也。計介解有懸休尋。

荀侯似謂荀羨。安西音信。或作安好。非。安西謂庾亮耳。西字狡獪。非書之正。遇得歸洛。似言殷浩入洛也。

然書體不古。恐唐人信手所臨。就卿許。猶世說王大將軍許。知君常有分住者。念處窮毒。而復分乖。當可居情。想反理斷當。

旦反想至。所苦晚差不耿耿。僕腳中不堪。沈陰重痛。不可言。不知何以治之。憂深力不具。王羲之頓首。右二帖皆右軍書。反理斷當。以理反觀而斷當也。

深以自慰。理有大斷。其思豁之令盡。足下勿乃憂之。足下殊當憂。吾故具示得。吾故具示得。具字得字說不可讀。

僕近修小園子。殊佳。致菓雜藥。深可致懷也。儻因行往。希見比二處。動靜故故。常患馳情。散騎癱轉利。慶至。姊故諸惡反側。永嘉至奉集。欣熹無喻。餘可耳。得華直疏。故爾諸惡不差。懸憂順何似。未復慶等。近消息懸心。君並何爲耶。此猶未得盡集。理行大剋。遲此無喻。

右一帖米以爲子敬書。黃謂動靜以下方是子敬。然予觀此。自是兩帖。前一帖乃唐人書。所謂近修小園子。儻因行往。皆唐語也。觀其筆勢。乃與安西音問。同一手所爲耳。後一帖乃是子敬書。散騎王珣也。慶與華直。王氏內外孫。子敬帖中多有永嘉謝鐵也。

治頭眩腦悶。或患癰腫頭不卽潰者。以此藥貼之。皆良。

婢麻 巴豆 薰陸 石鹽 芎藭 松脂

六物粗搗如米粒許。其巴豆三分減一。松脂少加其分。頭悶處先剃去髮方寸。以帛帖。塗藥當病上帖之。

周時帖刮上爛皮。以生麻油和石鹽塗上。當有黃水出爲佳。義之上。

官帖無頭悶帖。惟絳帖有之。黃云。政和丁酉六月七日。丹陽陳君孝爻見過。云。崇寧間彭諫議君時守潯陽。役兵于山間斫石。得一大石中空。內有小石。卽此碑也。大石未破時。堅完無隙。不解何緣中有此碑。殊可異也。陳之父時亦官潯陽。得此拓本。因以見遺。視之比絳帖差縱逸。結字互有工拙。要之此本當在絳刻前。但不知何世所刻。案逸少嘗在江州。豈晉以後好事者。因移寫于石與。意其埋沒既久。土變爲石。故是刻藏于石間。理不足怪。世或以此帖爲虞永興書。恐未必然。或虞嘗臨此書。微翻其體。予案祕閣續帖有永興齋會帖。如出一手。又其中煩惱字。與此惱字相似。知是虞臨可信。又案晉武帝太康十年置江州。所統荆揚地十郡。初理豫章。至成帝咸康六年移于潯陽。逸少嘗在江州。蓋是庾亮死後咸康之末。卽潯陽也。詳見郝超帖。



叢書集成初編

絳帖平

中華書局出版發行

(北京王府井大街三十六號)

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之一  
統一書號：一七〇一八·一五一





